

Patriarchatus Constantinopolitani.

215

Pontus Polemoniacus clauditur ab Occasu Hellenoponto, ab Ortū & Meridie Armenia prima, & à Septentrione Ponto Euxino.

Armenia prima inter Pontum à Septentrione, Euphratem ab Ortū, Antitaurum & Cappadociam à Meridie, & Pontum Polemoniacum ab Occasu sita est.

Armenia secunda extat inter Taurum montem à Meridie, Antitaurum à Septentrione, Cappadociam secundam ab Occasu, & Euphratem ab Ortū.

Cappadocia prima ab Ortū terminatur Armenia prima & Antitaurum, à Meridie Lycaonia & Cappadocia secunda, ab Occasu Galatia Salutaris, & à Septentrione Hellenoponto.

Cappadocia secunda à Valente in odium D. Basilij facta, habet ab Occasu Lycaoniam, à Septentrione Cappadociam primam, ab Ortū Armeniam secundam, & à Meridie Isauriam & Ciliciam.

Galatiæ primæ termini sunt à Septentrione Paphlagonia, ab Occasu & Meridie Galatia Salutaris, & ab Ortū Hellenopontus.

Denique Galatia secunda seu Salutaris habet ab Ortū Galatiam primam & Cappadociam primam, à Septentrione Honoriadem & Paphlagoniam, ab Occasu Phrygiam Pacatianam, & à Meridie Pisidiam & Lycaoniam.

Thraciæ tertiæ Præfecti Diocesis, inquit Ammianus, "nunc cernimus loca formata in cornuti sideris modum, effingunt theatri faciem speciosam, cuius in summitate Occidentali, montibus præruptis densatæ Succorum patescunt angustiae Thracias dirimentes & Daciam. Partem verò sinistram Arctoïis obnoxiam stellis, Hoemimontanæ celsitudines claudunt, & Hister, quæ Romanum cæspitem lambit, urbibus multis, & castris contiguus & castellis. Per dextrum quod Australe est latus, scopuli tenduntur Rhodopes: unde Eoumiubar exsurgit, finitur in fretum, cui vndosis ab Euxino Ponto labenti, pergentique fluctibus reciprocis ad Ægeum, discidium panditur terrarum angustum. Ex angulo tamen Orientali Macedonicis iungitur collimitijs per arctas præcipitesque vias, quæ cognominantur Acontisma." Breuius dicam à Septentrionibus terminari Danubio, ab Occasu Dardania & Dacia, à Meridie parte Macedoniæ ad Nesi fluuij ostium, & Aegeo Pelago vsque ad Propontidem & Hellespontum, ab Oriente vero Hellesponto, Propontide, & Ponto, vel vt alij volunt Tanai fluuiio.

IV.
THRACIÆ DESCRIPTIO ET PROVINCIAE
a Amian. lib. 17.

b Sext. Ruf. in Breu.

Huius, teste Sexto Rufo, in ditionem Reipublicæ sex Prouinciæ sunt acquisitæ, Thracia, Hoemimons, Moesia inferior, Scythia, Rhodope, Europa, in qua vt ait secundæ arces Imperij Romani sunt constitutæ Constantinopolis. Europa ad mare porrecta, ab Ortū terminatur Propontide, à Septentrione Ponto, ab Occasu Hoemimonte & Rhodope, à Meridie mari Ægeo. Thracia ab Hoemo monte ad mare Ægeum protenditur: à Septentrione habet Moesiam secundam, ab Occasu Daciam & Dardaniam, à Meridie Macedoniam & mare Aegeum, & ab Ortū Hoemimontem & Rhodopem. Hoemimons inter Moesiam secundam & Europam est: ab Occasu Thraciam habens, à Meridie Rhodopem, ab Ortū Europam, & à Septentrione Moesiam secundam & Scythiam. Rhodope ab Ortū Europam habet, à Septentrione Hoemimontem, ab Occasu Thraciam, à Meridie mare Aegeum. De alijs duabus Prouincijs iam libro octauo, vbi de Illyrico Occidentali diximus.